

Desak perluas baik pulih benteng

SABAK BERNAM - Kerajaan negeri didesak supaya memperluaskan kerja baik pulih benteng penahan ombak ke pesisir Pantai Redang dan Sungai Labu, di sini, dalam menghadapi fenomena air pasang besar yang dijangka melanda beberapa kawasan rendah di Sekinchan pertengahan Oktober ini.

Pengerusi Jawatankuasa Kemajuan dan Keselamatan Kampung (JKKK) Parit 5, Azman Masri berkata, penduduk yang menetap di kawasan rendah berisiko tinggi dilanda banjir sekiranya tiada tindakan serius diambil.

"Saya mohon supaya kerajaan negeri beri pertimbangan sewajarnya agar kerja naik taraf ini bukan sahaja dilaksanakan di pesisir Parit 5 tetapi disambung ke pesisir Pantai Ledang dan Sungai Labu," katanya.

Azman memberitahu, kejadian fenomena alam itu yang turut disusuli hujan lebat hingga mengakibatkan kejadian banjir di beberapa kawasan rendah di Sekinchan pada September lalu, menyebabkan benteng penahan ombak sedia ada musnah



Suee Lim (dua kiri) dan Azman (dua kanan) bersama-sama penduduk meninjau keadaan benteng penahan ombak di beberapa kawasan di Sekinchan yang rosak akibat fenomena air pasang besar.

dan rosak.

Sementara itu, Adun Sekinchan, Ng Suee Lim meminta Jabatan Pengairan dan Saliran (JPS) dan kerajaan negeri memberi bantuan sewajarnya terutama dalam usaha membaik pulih kerosakan benteng penahan ombak.

Katanya, tindakan awal pencegahan mesti dilakukan segera bagi memastikan tiada pen-

duk terjejas akibat kerosakan harta-benda dan tanaman pertanian hingga mereka terpaksa menanggung kerugian.

Beliau menjelaskan, kejadian fenomena air pasang besar berlaku saban tahun dan sudah tentu ia memerlukan mekanisme terbaik dalam usaha mengurangkan kesan akibat daripada bencana terbabit.

"Saya harap pihak JPS dan

jabatan berkaitan merangka satu perancangan jangka panjang bagi mencegah dan mengenal pasti permasalahan benteng-benteng pecah dan rosak setiap kali berlaku air pasang besar.

"Kita akan pastikan kebajikan dan keutamaan penduduk ini diberi perhatian menyeluruh dan akan memantau situasi ini dari masa ke semasa," katanya.